

**40avla radunonza generala dil Selvaclub Sagogn
vendergis, 25-10-2013, ustria Cresta**

Perstgisas: Patric Caderas, Janic Camathias, Regula Camathias, Michael Cadruvi
Harald Schöpf e BSV

Presents: 21 personas tenor gliesta (Andri Bundi ei vegnius per pli tard)

Tractandas:

1. Beinvegni
2. Elecziun dumbravuschs
3. Protocol radunonza generala 2012
4. Rapports annuals a) dil president
b) dil cau Giuventetgna + Sport (Roman Caderas)
5. Rendaquen
6. Rapport dils revisurs, approbaziun e scarica suprastonza
7. Preventiv 2013/2014
8. Contribuziuns
9. Elecziun president/a, suprastont/a
10. Program da lavur 2012/13
11. Orientaziuns e varia
12. 40 onns Selvaclub

1. Beinvegni

Il president ad interim, Lucien Stern, fa in cordial beinvegni a tuts presents.

2. Elecziun dumbravuschs

Lisabet Caderas e Carin Gartmann vegnan elegidas sco dumbravuschs.

3. Protocol radunonza generala 2012

L'actuara prelegia il protocol dalla davosa radunonza generala.

El vegn approbaus unanimamein.

4. Rapport annual dil president

En siu rapport seregorda il president vid la buna stagiun digl unviern vargau.

Las loipas e las vias da spassegiar eran adina preparadas fetg bein! Hosps ed indigens han gudiu las bunas relaziuns sil plaun da Sagogn. Aschia ha naturalmein era la Tegia Nordica rendiu pulit! Las differentas occurenzas duront il temps da neiv han anflau bun'accoglientscha.

Ils affons digl JO han saviu trenar fetg bia sin neiv cheu a Sagogn. Aschia ein els separticipai cun plascher e gronda motivaziun als trenaments. Nos trenaders han prestau ina grondiusa lavur! Lucien trai ina bilanza positiva digl unviern vargau ed engrazia a tuts che han sin ina moda ni l'otra gidau da realisar quella.

Rapport dil cau G + S, Roman Caderas

Il trenament per la nova stagiun da cuorsa liunga ha entschiet gia miez uost 2012. Cun cuorer, Rollski, velo e festa han ils affons (ed ils menaders) trenau condiziun pigl unviern. Tochen viaden egl october eis ei vegniu trenau 2x ad jamna. Naven dalla fin october era il training mintgamai il margis en halla. Gl'empren trenament sin neiv ha giu liug ils 8-12-12.

L'emprena cuorsa ei gia stada 1-12-12 a Pontresina. La fin december eisi stau fetg hefti cun cuorsas a Maloja, Tavau e Trin. – La davosa cuorsa ei stada ils 3 da mars 2013 a Tavau. En tut ein ils affons separticipai ad 8 cuorsas cantunalas e 4 regiunalas.

5. Rendaquen

Nies cassier, René Wellinger, pren il plaid e declara il quen annual. La facultad dil Selvaclub munta ils 30-9-2013 a frs. 45'403.80.

Il gudogn schuber dalla stagiun 2012/13 munta a frs. 7'008.15.

6. Rapport dils revisurs

Ils revisurs Enrico Arpagaus e Hans Niederberger han constattau che tut las quittanzas ein avon maun e che la contabilitad vegn menada schuber e bein. Hans engrazia a René per la buna lavur prestada e fa la tscharna. Il quen vegn aprobaus unanimamein.

7. Preventiv 2013/14

Lucien engrazia al cassier per sia buna lavur e surdat aunc ina gada il plaid ad el. Per la proxima stagiun ei René buca aschi optimistic. El quenta ch'ei detti forsa buca tonta neiv sco ils davos dus unviarns e che nus hagien en consequenza naturalmein buca tonts hospes ella Tegia Nordica. Aschia quenta el cun in defizit da frs. 1'230.--.

8. Contribuziuns

La suprastonza fa la proposta da schar la contribuziun annuala pils commembers sco tochen ussa a frs. 40.—(40 onns Selvaclub – 40 frs. contribuziun). Ils commembers pagan lu mo frs. 80.—pigl abo dall'entira Svizra, buca commembers frs. 120.--.

9. Elecziun president/a, suprastont/a

Lucien dumonda tgi dils presents che havessi interess per il post da president/a resp. da suprastont/a? – Negin s'annunzia.

Aschia declara Lucien, ch'el seigi prompts da surprender il post da president. Quei vul gir, che nus stuessan aunc eleger in/a suprastont/a. Denton era per quella incarica negin che s'annunzia. Gion Peter dumonda sch'ei drovi lu propi aunc zatgi en suprastonza. Ad interim resta la suprastonza en quater.

10. Program da lavur 2013/14

Lavurs da preparaziun	09-11-2013
Test da skis	04-01-2014
Gi da fuffergnadi cuorsa liunga	05-01-2014
Fiasta da neiv cun uniun da traffic	16-02-2014
Finiziun EnergiAlpina, Cup	29-03-2014 (termin provisoric)

11. Orientaziuns e varia

Amanda meina vinavon la Tegia Nordica.

La loipa da notg ei mintgamai illuminada margis e gievgia dallas 18.00 – 21.00 (Evtl. ei la tegia aviarta duront quei temps).

La pagina d'internet dil Selvaclub vegn surluvrada da Martin Bundi. Ella duei esser actualisada naven dil november 2013. Sche zatgi ha fotos per la pagina, tarmetter quellas a lucien.stern@kns.ch.

La proxima stagiun stuein nus activar la controlla da loipa. Tochen ussa havein nus adina sefidau dalla honestadad dalla glieud. Ei ha denton adina da quels che pagan buca. Ha forsa zatgi interess da surpender quei post? – Negin s'annunzia.

Enrico Arpagaus, coach G+S, engrazia als trenaders per lur engaschi e la prima lavur!

El fa attents, che la participaziun al gi dil SST a Flem, dumengia avon entschatta da scola igl uost, seigi fetg magra. Il medem vali era per la „Fleisch-Trophy“ a Glion. El fa la proposta da prender quellas duas occurenzas fix el program annual.

Lucien, il president niev elegiu, engrazia ad Enrico per siu engaschi.

Il president dall'uniun da traffic engrazia al Selvaclub per la buna collaboraziun. El declara aunc empau pli detagliu daco ch'igl ei impurtont da far quella controlla da loipa.

Allas 21.10 siara Lucien la part ufficiala dalla 40avla radunonza. El engrazia a tuts presents per lur atenziun ed envida da star aunc in tec da cumpignia e da separticipar alla concurrenza da fotos che la suprastonza ha preparau.

12. 40 onns Selvaclub

Nus havein muossau 18 fotos e mintga gada vuliu saver il num dad ina persuna fixada.

Treis fetg bials canasters han ils participonts saviu gudignar.

Victura: Petra Cavelti
Secund: Seppi Cavelti
Tierz: Gion Peter Camathias

Cordiala gratulaziun !

Cun in bien dessert special pil 40avel dil Selvaclub havein nus serrau giu la sera.

Sagogn, 19-11-2013

L'actuara
Amanda Beeli